

Newspaper	BERITA HARIAN
Date	05 JUNE 2016

Kematian Ali kehilangan besar kepada dunia: PM

BH - 5/6/2016

➔ Najib turut menyifatkan pemergian Allahyarham lebih dari seorang peninju legenda

▸ Kuala Lumpur

Datuk Seri Najib Razak menyifatkan pemergian legenda sukan tinju, Muhammad Ali sebagai satu kehilangan besar kepada dunia.

Perdana Menteri dalam kenyataan menerusi akaun Twitter miliknya lewat petang semalam berkata, dunia kehilangan lebih daripada seorang peninju legenda.

"The world lost more than just a legendary boxer. We lost the greatest of all time. Al-Fatihah (Dunia kehilangan lebih daripada seorang peninju legenda. Kita kehilangan yang terhebat sepanjang zaman. Al-Fatihah) #MuhammadAli

Sementara itu, veteran UMNO, Tan Sri Rais Yatim dalam akaun Twitter miliknya, berkongsi gambar beliau bersama Muhammad Ali di pejabatnya di Jalan Gurney.

Dalam keterangan gambar itu, beliau menulis "Foto '75 ini membawa kenangan hebat Muhammad Ali jua-



Ali (kiri) dan Bugner (kanan) di majlis makan malam bersama Perdana Menteri Tun Abdul Razak Hussein, di Seri Perdana pada 1975.

ra tinju bermesra di pejabat saya di Jalan Gurney.

"Anda yang terhebat Ali," katanya.

Muhammad Ali berkunjung ke Malaysia pada 1975 ketika pertandingannya dengan Joe Bugner di Stadium Merdeka.

Juara tertinggi

Sementara itu di Washington, AFP melaporkan Presiden Barack Obama berkata Muhammad Ali adalah juara tertinggi yang berjuang untuk apa yang betul, bukan sahaja di gelanggang tetapi juga di luar.

Bekas juara heavyweight yang

meninggal dunia semalam bergelut selama beberapa tahun dengan penyakit Parkinson, adalah "seorang lelaki yang berjuang untuk kita," kata Presiden Amerika Syarikat itu.

"Perjuangan di luar gelanggang membolehkan dia menjadi juara dan berdiri teguh dalam masyarakat. Dia terpaksa berdepan musuh di kiri dan kanan, membuat dia dicerca, dan hampir menghantarnya ke penjara.

"Tetapi Ali tetap berdiri teguh. Malah, kejayaannya membantu kita menyesuaikan diri dengan Amerika yang kita kenali hari ini."